

թեան բնագատանում.- տե՛ս Առնոսի՝ *Դրուագներ վրաց հին գրականության պատմության հիմնական հատվածներ*, Թբիլիսի, 1962, էջ 376-382 (վրացերեն): G. Garitte, *Complements a l'edition de la Vie georgienne de S. Symeon Stylite l'Ancien*, "Le Muséon", t. LXXVI, Louvain, 1963, pp. 79-93.

15 Հմմտ. «Գիրք որ կոչի Այսմատուրք», էջ ԵԾԶԳ-ԵԾԶԸ, "Le Synaxaire arménien de Ter Israel", publié et traduit par le D-r G-e Bayan, Paris, 1928, p. 495-501,

16 Le Synaxaire..., p. 500.

17 Սույն դրուագի յունարեն նախատիպ է վերաձևակերպել խմբագրությունների միջև առկայ տարբերությունները արձանագրում էն Ս. Օեստակովի հրատարակման մէջ (տե՛ս **С. Шестаков**, *Житие Симеона Дивногорца в его первичной редакции*, "Виз, Врем." т. XV, вып. 2-3, стр. 341-351.)

18 Վրացերեն թարգմանության ամբողջական գիտական հրատարակությունը տե՛ս «Կիմեն» (Kaïmena), հատ. Ա, Վրաց վարքագրական յուշարձաններ. յունար-մայիս ամիսների տեքստեր: Առաջաբանը, ուսումնասիրությունն ու խմբագրությունը Կ. Կեկելիձեի, Տփղիս, 1918, էջ

215-340 (վրաց.):»

19 Տեղանքի, հնությունների Ակարագրությունը եւ մեծատառի արձանագրությունների վերծանությունը տե՛ս Jean Mécérian, *Les inscriptions de Mond Admirable*, Beyrouit, 19626 p. 297-330.

20 Ընտանիքով Հայաստանից Անտիոք գաղթելու մասին մի վկայություն ունենք լատինական Եկեղեցու սուրբ, հայագոհ Մակարիոս եպիսկոպոսի վարքում, ըստ որի իշխանական ընտանիքից սերող եւ նոր բնակավայրում ծնունդ ապագայ բարեգործն ու քարոզիչը ոչ միայն գիտեր մայրենի հայերենը (նաեւ՝ յունարեն, ասորերեն, արաբերեն ու եբրայերեն), այլեւ ունէր անտիոքացի հայագոհ չորս գաղափարակից ընկեր, որոնց հետ նա ուխտագնացության ու քարոզչության մեկնեց Երուսաղէմ (տե՛ս Acta Sanctorum, t. I (1675), էջ 873-896, նաեւ՝ Bibliotheca Hagiographica Latina, Bruxelles, 1900-1901, էջ 757, հմմտ. Ա. Սարուխան, *Բելգիա եւ հայերը*, ՀԱ, էջ 1934, էջ 144-148): Այդ նշանակում է, թէ X-XI դարերում Անտիոքում բնակական ստուար հայություն կար՝ հարկաւ նախորդ դարերից բնակություն հաստատած:

21 «Դրուագներ...», հտ.7, էջ 5:

ՀԱՅՈՑ ՏԱՐԱԶԱՆԱԽԾԵՐԻ ԳՈՒՆԱՅԻՆ ՀԱՄԱԿԱՐԳԸ ԵՒ ԺՈՂՈՎՐԴԱԿԱՆ ԳՈՒՆԸՆԿԱԼՈՒՄԸ

Արմենուհի Ստեփանեան

Իւրաքանչիւր ժողովրդի տարագրած-ւերի ու տարագի զարդանախշերի գունա-յին համակարգը ձեւաւորուել է ժամանա-կի ընթացքում, տուեալ ժողովրդի խորհր-դանշային (սիմվոլիկ) մտածողութեանը, գեղագիտական ճաշակին ու ըմբռնումնե-րին համապատասխան:

Տարագային համալիրի, ինչպէս նաեւ տարագի զարդանախշի բնութագրման խնդրում յոյժ կարեւոր է գունաշարն ամբողջութեամբ եւ որեւէ գոյնին տրուող նախապատուութիւնը: Վերջին հանգ-մանքն, ինչպէս իրաւացիօրէն նշում է Ե. Ստուդենեցկայան, կարող էր երբեմն ցեղանուան (էթնոնիմի) ծագման պատճառ դառնալ, օր.՝ «Կարակալպակներ» (սեւ գլխարկաւորներ)¹:

Գոյնը զարդանախշն ընկալելու անհրաժեշտ միջոց է: Գոյնի եւ ձեւի ներդաշնակութիւնը ստեղծում է ընդհանուր համահնչունութիւն եւ էլ աւելի է ընդգծում զարդանախշուած հատուածի նշանակութիւնը: Խայտաբղէտութիւնից զերծ տարագային զարդանախշերի գունաշարին բնորոշ են հանդարտ ու զուսպ գունային անցումները՝ նրբերանգների հմուտ օգտագործմամբ: Համաչափութեան սկզբունքը, որն ընկած է գունա-յին համակցութիւնների հիմքում, ստեղծում է հաւասարակշռութիւն զարդանախշային յորինուածքների բոլոր մասերում՝ անկախ գործուածքի ծաւալից եւ զարդանախշուած մակերեսից:

Զարդանախշերի գունային աւանդոյթները, սկիզբ առնելով հեռաւոր ժամանակներից, ձեւաւորման նոր փուլ են

մտնում միջնադարում, երբ գոյնն ընկալ-ւում էր որոշակի խորհրդանշական իմաստով: Միջնադարեան գունային սիմվոլիկան բարդ ու բազմազան հասկացութիւնների համալիր է²: Տակաւին միջնադարում մեկնաբանները քաջ տեղեակ են եղել մարդկային հոգեբանութեան վրայ գոյնի ներազդող ուժին, ինչը եւ լաւագոյնս օգտագործուել է մանրանկարներում, աւետարանական տեսարաններում: Ըստ այդմ, քրիստոնէական գաղափարաբանութիւնն արտայայտող գոյնների խորհրդիմաստն իր հերթին խարսխուած էր շատ աւելի վաղ պատկերացումների վրայ: Եւ որքան էլ որ ժամանակի ընթացքում, անցնելով տարբեր մշակոյթների ու կրօնական պատկերացումների բովով, փոփոխուել է գոյնների նշանակու-թիւնը, այնուամենայնիւ, ժողովրդի գունազգացողութիւնը պահպանել է նախնական շերտը՝ հարագատ մնալով գունային խորհրդանիշների վաղնշական ընկալմա-նը:

Տարագային զարդանախշերում օգտագործուում է ինչպէս միագոյն (մոնոխրոմ), այնպէս էլ բազմերանգ (պոլիխրոմ) գունաշար: Միագոյն գունաշարում կարեւորում են նրբերանգային փոխանցումներն, ինչպէս եւ զարդանախշ գունազաշտ փոխառնչակցութիւնը: Գունային համակցութիւններն ու գոյնների «ընտրոյթայնութիւնը» կայուն եւ հին աւանդոյթների վկայութիւնն է, ինչպէս այլուր, այնպէս էլ հայոց մէջ խարսխուած ժողովրդական գունընկալման վրայ: Այդ հիմամբ տարբերակում են հիմնագոյնները (կանաչ, կարմիր, կապոյտ,

դեղին, սեւ, սպիտակ) եւ ածանցեալները: Հայոց միջնադարում ընդունուած է եղել քառագոյն համակարգ, որը Գրիգոր Տաթևացու վկայութեամբ արտայայտուած էր աշխարհի չորս հիմնատարրի գաղափարը, այն է. «երկրի սեւութիւն, ջրոյն սպիտակութիւն, օդոյն կարմիրն եւ հրոյն դեղինն: Եւ ի սոցա խառնուածոցն լինին այլ զանազան գոյնք: Կապոյտ, գորշ եւ այլն»: Քառագոյն համակարգով միաժամանակ արտայայտուած էին եւ մարդկային բարոյական յատկանիշներ. «Եւ չորս գոյն խոհեմութիւն թագաւորական ծիրանին, ողջախոհութիւն բենեզ, կարմիր արիութիւն եւ մարտիրոսութիւն, կապոյտս է երկնաւոր արդարութիւն»³:

Խօսելով գունային համակարգերի որոշակի խորհրդանշական իմաստի մասին՝ հետաքրքրական է նշել ժողովրդի վերաբերմունքը պայծառ եւ մուգ գոյների հանդէպ, որոնցից առաջինները դիտուած են դրական, վերջինները՝ բացասական: Արցախի Մամձոր գիւղի բնակիչների պատկերացմամբ ծիածանի իւրաքանչիւր գոյնը այս կամ այն ժողովրդի խորհրդանիշն էր: Ամենավառ գոյները հայերն են⁴: Միածանը տեսնելիս այնտեղ ասում են. «կանաչ-կարմիրը իմ ախպոր գլխին, սեւն ու սպիտակը թորքի գլխին»⁵:

Բազմերանգութիւնն առհասարակ կամ պայծառ գոյների համադրութիւնն, ըստ ժողովրդական պատկերացման, ունի չարխափան նշանակութիւն: Այս մտայնութեամբ են պայմանաւորուած գոյնգոյն թելերից հիւսած պարանով մեծ պասի «ակլատիզը» կախելու, չորացրած գորտի վրայ եօթներանգ թելով ասեղ խրելու եւ շատ այլ սովորոյթներ: Նման պատկերացումներ ծանօթ են եւ հարեւան ժողովուրդներին: Օրինակ՝ Կախեթում արգելուած էր մուգ գոյնի շորեր հագնել այն տանը, որտեղ մանկական տարափոխիկ հիւանդութեամբ տառապող երեխայ

կար: Սգի մէջ գտնուողներին նոյնպէս պարտադրուած էր պայծառ գոյներ հագնել եւ համապատասխան գլխի յարդարանք կրել⁶:

Պայծառ գոյների նկատմամբ ունեցած այս վերաբերմունքն ուրոյն դրսեւորուած է գտնուած զարդանախշային գունաշարում, որտեղ, անկախ գունային համակցութիւններից ու գոյների քանակից, ընդհանուր ձգտում է զգացում դէպի պայծառը, լուսաւորը, որն առհասարակ բնորոշ է հայ զարդարուեստի գունաոճին: Զարդանախշային գունաշարում գոյներից մէկը, սովորաբար ամենապայծառը գերադասն է (դոմինանտ), որն ընդգծուելով որոշակի շեշտ ու համաչափութիւն է հաղորդում տուեալ գունաշարին: Մեծ մասամբ այդպիսին կարմիրն է, ամենատարածուածն ու նախապատուելին⁷: Կարմիրը նախ եւ առաջ արեան գոյնն է, որն ինքը կեանքն է եւ այս իմաստով հանդէս է գալիս իբրեւ «պահպանակ» եւ «չարհալած»: Պատահական է, որ թէ՛ հայոց եւ թէ՛ ուրիշ շատ ժողովուրդների մէջ ընդունուած է կանանց ու երեխաների կարմիր ներքնագգեստն իբրեւ միջոց «չար աչքի» դէմ⁸: Ժողովուրդը կարմիր գոյնի հետ է կապել իր լաւագոյն սպասումները: Տարին առատ ու «կարմիր» օրերով երջանիկ լինելու ակնկալիքով կարմիր թելեր ու հագուստի ձուկներ էին կախում սուրբ համարուող ծառերից ու թփերից, կարմիր թել կապում անասունների եղջիւրներին եւ ագիներին⁹: Մինչեւ XIX դ. վերջ, XX դ. սկիզբ պահպանուած այս սովորոյթը հեթանոսական ժամանակաշրջանի արձագանք էր, որի դէմ իր շրջաբերականում քարոզում էր Ներսէս Շնորհալին՝ զգուշացնելով զերծ մնալ կենդանապաշտական սովորոյթներից, «... կարմիր արկանելօք ծածկել զանասունն եւ յեղջիւրսն

նարօտ կապել ըստ հնոյն օրինի, ամենեւին մի առնէք, զի աւելորդ եւ անօգուտ է...»¹⁰:

Մէկ այլ դէպքում երիտասարդ աղջիկներն իրենց բախտն ու կեանքի տեւողութիւնն էին կապում կարմիր գոյնի հետ՝ Զատիկի չիք չորեքշաբթի օրը բոյսերը կարմիր թելով կապելով եւ առաւօտեան աճը չափելով: Նոյն օրը վանեցի աղջիկները ձու էին դնում տանիքին, որպէսզի վրան գրուէր իրենց բախտը, կարմիր գերը բարի բախտ էր խոստանում¹¹: Իբրեւ արեան գոյն՝ կարմիրն ակտիւ է պատկերացում: Կարմիր գոյնի թռչունը, կենդանին ոչ միայն բարկացկոտ կարող է լինել, այլեւ բեղմնաւոր: Կարմիր կովի կաթը իւղոտ է, հաւը՝ ձուառատ, որը եւ արտացոլուել է Մաղկազարդի խաղիկներում:

- Ուշ խատուտիկ եկել է,
Ծալէ շապիկ հագել է,
Կարմիր կովից իւղ կուզե,
Գոնդիկ հալից հաւկիթ կուզէ¹².

Եւ, վերջապէս, կարմիր էր բնութեան զարթօնքը խորհրդանշող տօնի՝ Զատիկի կենտրոնական առարկան՝ ձուն, որը խտացնում է բնութեան վերարտադրութեան, կեանքի յարատեւման գաղափարը: Կարմիրը հայերէնում նշանակել է եւ «լաւ»: «Կարմիր հաց» նշանակել է «լաւ թխած հաց», «կարմիր օր»՝ լաւ օր եւ այլն¹³: Իսկ «կարմիր հարս» նշանակում էր՝ նշանուած աղջիկ, «կարմիր գոգնոց»՝ կին, «կարմիր թել կապել»՝ նշան դնել, «կարմիր խնձոր»՝ հարսի անարատութեան խորհրդանիշ¹⁴, նաեւ՝ հրաւէրքի նշան, արտայայտութիւններն անմիջականօրէն առնչուած են հարսանեկան խորհրդիմաստին: Կարմիրն ամենուր աչքի էր զարնում հարսանեկան ծիսակատարութեան ողջ ընթացքում: Կարմիր էր հարսի քօղը, յաճախ զգեստը, որպիսին նկա-

րագրում է խաչատուր Կեչառեցին «հարսն ի կարմիր ձորձոյ եւ յուկեթել զարդարեալ»¹⁵: Իսկ փեսայի կարմիր հանդերձի նկարագրութիւնը կարելի է գտնել յայտնի թագուորագովքերում:

- Մեր թագուորս էր խաչ,
Խաչկոկ-խաչ ու մաչ,
Պիհիզն էր կարմիր,
Արեւն էր կանաչ:
Կոսպանդն էր կարմիր,
Արեւս էր կանաչ¹⁶:
- Մեր թագուորս էր խաչ,
Խաչկոկ-խաչ ու մաչ,
Սուլերն էր կարմիր,
Արեւը կանաչ:
Գուրպէքն էր կարմիր,
Արեւը կանաչ եւ այլն¹⁷:

Ամուսնութեան խորհրդանիշ «կոսպանդ» (թագուոր-փեսացուի ուսով խաչածե կապուող կարմիր-կանաչ մետաքսէ թաշկինակ), ինչպէս նաեւ «նարօտը»¹⁸ (կանաչ-կարմիր ոլորուն թելից հիւսուած, որն անցկացնում էին նաեւ նորակնունք երեխայի վիզն՝ իբրեւ պահպանակ), մեկտեղում էին կեանք (կին) եւ սերնդաշարունակութիւն (տղամարդ) հասկացութիւնները: Պատահական է, որ արու գաւաղը Սասունում կոչուում էր «օջախը կանաչեցնող»¹⁹, իսկ վասպուրականցի կանայք Դաշտի թաղում արեւածագին աղօթում էին՝ «կանաչ-արեւ» գաւաղ խնդրելով²⁰: Գանձակում նարօտի ձեւով կանաչ-կարմիր-սպիտակ ոլորուն թելն ամրացնում են թագաւոր-փեսայի գլխարկին²¹, իսկ Սասունում նարօտը կարմիր ու սպիտակ ոլորուն թելերից էր պատրաստուում²²: Այս գունային գոյքը, որն առաւել նախնական է, ինչպէս եւ նախորդը, խորհրդանշում է աղջիկն ու տղան, որն արտացոլուած է վանեցիների հարսանեաց երգերում, օրինակ՝

- Թագուոր, ինչ պիրեւ քեօ աման,

Քեռ կանաչ արեւ դու մնամ,
 Ծերմակ վարդ, որ կը բացուէր,
 Բացուէր քեռ արեւ, դու մնամ:
 - Թագուհի, ինչ պիրեւ քեռ մնամ,
 Քեռ կանաչ արեւ դու մնամ.
 Կարմիր վարդ, որ կը բացուէր,
 Բացուէր քեռ արեւ, դու մնամ²³:

Կարմիր ու սպիտակ ոլորուն բրդէ
 թելի ծիսական կիրառութիւնը հետաքր-
 քիր զուգահեռներ ունի խեթական աղ-
 բիւրներում: Խեթական տեքստերից մէ-
 կում խօսուում է այն մասին, որ թագա-
 ւորն ու թագուհին, բրդէ թելերը ոլորե-
 լով, միահիւսում են իրար, թագաւորը՝
 սպիտակը, թագուհին՝ կարմիրը, որից հե-
 տեւում է, որ կարմիրը խորհրդանշում է
 կինը, սպիտակը՝ տղամարդը, քանի որ
 հին ժողովուրդների մտայնութեամբ սպի-
 տակն արական սերմի գոյնն էր, կարմի-
 րը՝ արեան (կնոջ): Ըստ հին հնդկական
 փիլիսոփայութեան մարմինը ձեւաւորում
 է արական տարրերից (որոնց մէջ է
 մտնում նաեւ սերմը) եւ իգական տարրե-
 րից (մկանունք, արիւն, մազեր)²⁴: Նշա-
 նակում է՝ վերոյիշեալ ծիսական արարո-
 ղութեամբ միախառնուում է իգական եւ
 արական սկիզբը, այսինքն՝ տեղի է ունե-
 նում արարչագործութիւն, որը վերաբե-
 րում է նաեւ կարմիր-սպիտակ²⁵ կամ
 կարմիր-կանաչ նարօտին՝ որպէս միաւոր-
 ման խորհրդանշի, քանի որ ամուսնու-
 թիւնն էլ, ի վերջոյ, ոչ այլ ինչ է, եթէ
 ոչ արարչագործութիւն, նոր կեանքի ար-
 արում հասարակութեան կամ համայնքի
 կեանքում: Կանաչ-կարմիրը գերակշռում
 է օփտի կամ հարսանեկան արարողու-
 թեան առթիւ հիւսած գուլպաների եւ հա-
 գուստի միւս մասերի զարդանախշերում:
 Կարմիրն գուգակցող կանաչը շրջակայ
 բնութեան, բուսականութեան գոյնն է:
 Մարդկային գործունէութեան բոլոր ո-
 լորտներում կանաչը բոյսի ու յաւերժ

բիտասարդութեան խորհրդանշն է: Այդ
 են վկայում «ձեռքդ դալարի», «ձեռքդ
 կանաչի», «մէջքդ կանաչ» (ասուում է
 ջահել հարսին՝ շատ զաւակներ ունենա-
 լու մաղթանքով) օրհնանքները: Կանաչն
 իբրեւ ներկ, ստացւում է դեղինի ու կա-
 պոյտի խառնուրդից եւ լոյսի սպեկտրում
 այն միջակայ դիրք է գրաւում կապոյտի
 եւ դեղինի միջեւ: Այս հանգամանքը
 դրսեւորւում է լեզուական մակարդա-
 կում: Հնդեւրոպական լեզուներում շփո-
 թութիւն է նկատուում «կանաչի» եւ «դե-
 դինի» անուանումների միջեւ: Սրանում
 համոզուելու համար բաւական է համե-
 մատել հին նախալեզուի -dheh- արմատից
 առաջացած հետեւեալ շարքը՝ դեղին,
 դեղ, կանաչ, խոտ, դալարիք, կանաչեղէն,
 դեղնականաչ բժշկական խէտ, դալուկ,
 դալկանալ, դալուկն, դեղնացաւ, նաեւ՝
 ծաղկել, կանաչել, տերեւակալել եւ
 այլն²⁶: Իմաստային այս փոխանցմամբ
 կանաչը նոյնանում է դեղինին: Յիշենք
 նաեւ, որ Գրիգոր Տաթեւացու բնորոշ-
 մամբ կանաչը չէր դիտուում իբրեւ «բնա-
 կան որակ գունացս»: Սակայն դեղին
 գոյնը ժողովրդական ընկալմամբ դիտ-
 ւում է իբրեւ բացասական: Այն նոյնա-
 նում է «դեղնուց», «դեղնախտ» հիւան-
 դութեան հետ: Այս առիթով հետաքրք-
 րական է, որ ծիածանի գոյներում դեղին
 շերտի լայնութիւնը հիւանդութեան նշան
 է համարւում²⁷: Որպէսզի երեխան «դեղ-
 նուց» չընկնի, խոսափում էին դեղին
 գոյնի զարդ կրել ծննդկանի մօտ, իսկ ե-
 թէ դա արդէն տեղի է ունեցել, երեխա-
 յին լողացնում էին տուեալ անձնաւորու-
 թեան զարդի կամ ոսկեզրամի վրայ²⁸:
 «Դեղնուց»-ով հիւանդ երեխայի համար
 ապաքինում խնդրելու նպատակով դի-
 մում էին լուսնին.

- Լուսնիկ, լուսնիկ, յուսուա՞յ կու գաս,
- Հեր Աբրահամու ծովում վըրաւէն:

- Դում դեղին, ձիդ է դեղին,
 Մօրուքդ եկել, գոյնը դեղին²⁹.

Հարկ է նշել, սակայն, որ հին նա-
 խալեզուի -dheh- արմատը տալիս է նաեւ
 «լուսաւոր», «փայլուն», «պայծառ» ի-
 մաստները, որը ժողովրդի գունընկալման
 մէջ պահպանուել է իբրեւ ոսկեփայլ, ար-
 եւափայլ եւ այս առումով ամենեւին էլ
 պատահական չի ոսկեթելի օգտագոր-
 ծումն իբրեւ զարդ:

Լեզուական առումով որոշ իմաստա-
 յին նոյնութիւններ է դրսեւորւում նաեւ
 կանաչի ու կապոյտի միջեւ: Ժողովրդա-
 կան ընկալմամբ երկինքը կանաչ-կապոյտ
 է: Կանաչ-կապոյտ (չախալ) աչքը միշտ
 վատ (վտանգաւոր) է համարուել ու միշտ
 զգուշացել են այդպիսի աչք ունեցողնե-
 րից: Կապոյտն ընկալուել է իբրեւ
 «մութ» գոյն եւ օգտագործուել է զանա-
 զան հմայական գործողութիւններում՝
 հանդէս գալով իբրեւ պահպանակ³⁰:
 «Թաղի» ունեցող կանայք իրենց երեխա-
 ներին կապոյտ գոյնի շոր են հագցրել,
 որպէսզի «չար աչքը» չկանխի³¹: Կապոյտ
 թուղթը, թելը, կտորը ժողովրդական
 բժշկութեան մէջ օգտագործւում էր զա-
 նազան հիւանդութիւնների դէմ դեղեր
 պատրաստելիս: Կապոյտը միջոց էր եւ
 լուսնոտութեան դէմ: Լուսնոտին տանում
 էին ներկարարի (բոյսախանի) կարասի
 մօտ: Վարպետը կապոյտ ներկի փրփու-
 րով խաչածեւ դրոշմում էր հիւանդի ճա-
 կատը, բերանը, ծնօտն ու քիմքը³²: Կա-
 պոյտը նաեւ ծերութեան եւ սգոյ գոյնն
 էր: Միւնիքում, օրինակ, ծեր մարդու դա-
 գաղը ծածկում էին սեւ կամ կապոյտ շո-
 րով: Կոնստանդին Երզնկացու յիշատա-
 կութեամբ «...սգաւորք սեւ կամ կապոյտ
 զգեցցին ի վերայ մեռելոց»³³:

Լեզուական մակարդակում կապոյտը
 միտում ունի խառնուելու սեւին եւ մոխ-
 րագոյնին: Իմաստային առումով յստակ

չեն սահմանազատւում կապոյտի եւ երկ-
 նագոյնի անուանումները, թեպետեւ կա-
 պոյտն ունի բազմաթիւ հոմանիշներ,
 ինչպէս՝ լուրթ, ծաւի, մաւի, բիւ, լա-
 ջուարթ եւ այլն: Կապոյտ գոյնի անուա-
 նումն, ըստ Հայկազեան բառարանի, ծա-
 գել է պահլաւերէն Karot արմատից
 (գորշ, երկնագոյն, աղանագոյն): Ն.
 Մառն այս արմատը կապում է յաբեթա-
 կան Kam՝ երկինք արմատի հետ³⁴: Սա-
 կայն երկինքն, ըստ ժողովրդական ըն-
 կալման, ջուր է (երկնքի եթ շերտից ա-
 ռաջինն ամպ է, միւսները՝ ջուր): Երկն-
 քի ծայրն ու վերջը ովկիանոսի վրայ են
 դրուած: Երկնային ջրերի մի մասն էլ
 կազմում են երկրային ջրերը՝ Արածանի
 (Մուրադ), Կուր (Քուր), Արաքս եւ Սեւ
 ջուր գետերը³⁵: Նշանակում է ջուրը
 նաեւ սեւ է, այսինքն՝ կապոյտն այս ա-
 ռումով եւս կարող է միախառնուել սե-
 ւին՝ դասուելով «մութ» կամ բացասա-
 կան համարուող գոյնների շարքը:

Գալով սեւի խորհրդիմաստին՝ պէտք
 է ասել, որ այն ներառում է առհասարակ
 գորշ գոյները՝ մոխրագոյն, շագանակա-
 գոյն, հողագոյն եւ այլն: Սեւը գոյներից
 ամենամութն ու մռայլն է եւ ընկալուել
 է միմիայն բացասաբար, իբրեւ «չարք-
 մթարքի» ուղեկից ու մարդուն հակա-
 ոակ, հետեւաբար եւ՝ վնասաբեր: Սատա-
 նան նոյնպէս պատկերւում է «սեւ»: Յի-
 շենք նաեւ, որ «սեւ գիր», «սեւ թուղթ»,
 «սեւ քար» եւ այլ արտայայտութիւննե-
 րը եւս ակնարկում են «սեւ» գոյնի կա-
 պը մի դէպքում՝ չար բախտի, միւսում
 մահի, հողի, անդրաշխարհի հետ: Հր. Ա-
 ճառեանը գտնում է, որ «սեւ» բառի
 նման մի շատ հասարակ բառի փոխա-
 ռեալ լինելը իրանականից մեկնւում է
 արգելքով (տարու): «Արդի բերբերական
 լեզուների մէջ, գրում է նա, ընդհան-
 րապէս խոսափում էին արտասանել

«սեւ» բառը եւ ամէն մի գաւառ ունի այս իմաստն արտայայտելու մի առանձին ձև: Դրա համար է, որ հնդեւրոպական լեզուներէ մէջ չկայ «սեւ» իմաստով ընդհանուր բառ: Հնդեւրոպական հին ու նոր տարբեր լեզուներում «սեւը»-*сѣва, -сыма, -сѣно-* եւ այլ ձևերում նշանակել է մութ, կապոյտ, թուխ, գորշ³⁶ եւ այլն: Լ. Սարաջեան գտնում է, որ «սեւ» անուանումը նախապէս կարող էր ունենալ «մութ», «կեղտոտ», «բծերով ծածկուած» նշանակութիւն եւ փոխաբերական իմաստով նշանակէր «մահ» եւ «դժբախտութիւն»³⁷:

Ինչպէս տեսնում ենք, մութ, մռայլ, գորշ, թուխ գոյները խմբաւորում են «սեւ» անուանման մէջ: «Սեւ»-ը, ինչպէս նշուեց կապոյտի կապակցութեամբ, սգոյ ու մահուան գոյնն է, որն արտացոլուած է եւ «սեւ կապես», «սեւ գայ գլխիդ», «անունդ սեւ քարին գրուի» եւ նմանօրինակ անէծքներում: «Չարքը», «սատանան» պատկերում են սեւ գոյնով: Այդ իմաստով սեւն առկայ - Հմայական բանաձևերում ու գործողութիւններում, բուժական Հմայութեան մէջ, «չար աչքի» դէմ ուղղուած աղօթքներում.

- Սեւ դարձ եմ գացէ, սեւ այծն եմ կթէ, Պանիրն եմ դեղէ, չար աչքին եմ կերցրէ, Չար աչքը չար փուշ, չար փուշն ի բարկ կրակ,

Կրակն անհատակ ծովեր:

կամ

Սեւ օձ բռնեցին, կթեցին, մերեցին,

Սեւ ձմում զարկեցին,

Սեւ կարագ հանեցին,

Չար աչքից դեղ էրին³⁸:

Սեւ թռչունը, սեւ կենդանին ժողովրդական հաւատալիքներում տեսնում են «չարը» եւ զգուշացնում են նրա մօտենալու մասին: Չորեքմուտ, ուրբաթմուտ,

կիրակմուտ երեկոները հիւանդ երեխային լողացնում էին մաղի տակ դրուած սեւ կատուի վրայ, որին իբր պէտք է փոխանցուէր հիւանդութիւնը³⁹: Բասէնում սեւ հաւը խեղդում ու թաղում էին դուան շեմի տակ, որպէսզի «չարը» բաւարարուի դրանով ու չվնասի տան անդամներին⁴⁰: Այս սովորոյթը դիտուում է եւ այլ ժողովուրդների մէջ: Օրինակ՝ չեխերը դեռեւս XIX դ. սեւ հաւն ու աքլորը խեղդում էին ջրափոսերում⁴¹:

Ռուսները եւս նմանօրինակ սովորոյթ ունէին, միայն թէ նրանք սեւ աքլորը կենդանի վիճակում թաղում էին հողում՝ իբրեւ զոհ ստորին ջրերի ոգուն: Այս նպատակով ջրաղացների մօտ սեւ աքլոր էին պահում:

Ջարդանախշային գունաշարում «սեւը» գունային գոյգ է կազմում կարմիրի եւ սպիտակի հետ: Սպիտակը գոյներէց ամենալուսաւորն ու պայծառն է: Սպիտակի հոմանիշներն են ձիւնաթոյր, կաթնագոյն, արծաթագոյն եւ այլն: «Սպիտակ» անուանումն առաջացել է հնդեւրոպական նախալեզուի - *Kuait* - փայլել, պայծառ արմատից⁴²: Սպիտակը ծիսականօրէն «մաքուր» է դիտուել, նշանակել է նաեւ «անբիծ»: Սպիտակը խորհրդանշական է որպէս մկրտութեան հազուատի գոյն, որ կոչւում էր «հանդերձ փրկութեան»: Մկրտութիւնից յետոյ սպիտակ էին հազնում «ի նշան մաքրութեան հոգւոյն»⁴³: Սպիտակը քրմական դասի տարբերանշանն էր հնդկական եւ պարսկական աւանդոյթներում: Ի թիւս շատ ժողովուրդների, հայոց սգոյ հազուատի գոյնը նույնպէս սպիտակն էր: Այս կապակցութեամբ Հ. Ղ. Ալիշանը գրում է. «Սգոյնը մահացած մեռելին հասարակ է գրեթէ ամենայն ազգաց, բայց սպիտակութիւնը մահացած մեռելից մեռելից թէ ոչ ամէնում, բայց մեծամեծաց կամ թագաւորաց եւ քահանայից հա-

մար, որոյ յատուկ էր սպիտակ հագմիւն, արքունի եւ կրօնական հանդիսից մէջ կատաց ձիւրն ու զոհելու կենդանիք-պէտք է սպիտակ ըլլային, թուի թէ անոնց արքունական եւ սրբազան աստիճանը գրկել համարուէր սգոյ սեւն, անոր համար դագաղիս եւ յուղարկաւորութեան սպասքս եւ սպասաւորք սպիտակագգեստ ըլլային: Այս սովորութիւնս յարքունիս Հայոց՝ ինչուան վերջին հարստութեան (Ռուքէնեանց) մէջ այլ պահուած էր»⁴⁴:

Ն. Տաղավարեանը եւս յիշատակում է սպիտակը որպէս սգոյ գոյն, որը յատուկ էր իշխանական ու քահանայական դասին. «Իբրեւ սգոյ գոյն ընդունուած էր սպիտակը, հայոց արքայք, քահանայապետը եւ իշխանք սպիտակ կը հագուէին պաշտօնապէս, սպիտակ էին իրենց կտքերը, ձիւրը եւ այլն: Յուղարկաւորութեան առթիւ սպիտակագգեստ պարտ էին ըլլալ ոչ միայն մեռելուն, այլեւ մեռելակառքն քաշող ձիւր, սպասարները եւ այլն: Սակայն հասարակ ժողովուրդը սեւ կը հագնէր, ինչպէս Արտաշէս Բ-ի ձայնարկու կուսանք սեւագգեստք»⁴⁵:

Սպիտակը, որպէս քահանայապետի սգոյ տարագի գոյն, յիշատակում է նաեւ Սբ. Ղազարի Հնագոյն (ԺԱ դարի) Մաշտոցում՝ «Ազուցանեն պարեգօտն սպիտակ եւ փիլոն սպիտակ եւ կնգուղ սպիտակ եւ գօտի մաշկեղէն եւ անդրավարտիս սպիտակ եւ գուրպայս յոտսն»⁴⁶: Հայոց վերջին թագաւոր Լեւոնին եւս սպիտակ էին հագցրել եւ սգաւոր ազգակիցները ետեւից գնում էին սպիտակագգեստ⁴⁷:

Ինչպէս վերը տեսանք կարմիր-սպիտակ ոլորուն նարօտի օրինակով, «սպիտակն» ընդունելի է եղել եւ հարսանեկան ծիսակարգում: Կարմիր ու սպիտակ գոյներով հիւսած նարօտը յիշատակում են Գրիգոր Սկեււացին ու Գրիգոր Տաթեւացին: Միայն թէ նարօտի մեկնաբանութիւնը բխում էր քրիստոնէական

ըմբռնումներից, համարելով այն «իբր նշան փրկչական կողէն բխած արեան ու ջրոյ, որով եկեղեցին միացաւ Յիսուսին»⁴⁸:

«Ոսկեփորիկը» նարօտը կոչում է «առասան կարմիր ընդ սպիտակի մանեալ ի խորհուրդ մարդեղութեան Բանին»: Իսկ Գրիգոր Նարեկացին եւ Սարգիս Պիծակը յիշատակում են «ճերմակ բեհէզս պատմունանի, մաքրափայլ ազանելիք» եւ առհասարակ «հանդերձ հարսանեաց սպիտակացեալ»:

XIV դարի հարսանեկան ծէսերի ու սովորոյթների նկարագրերից մէկում կրկին յիշատակւում է. «կարմիր ու բամբակի ճերմակ խառնեալ եւ երեք կղի շարամանեալ, մի կողմ կարմրով խառնէ, երկուսն անխառն, միայն բամբակ, զոր մանեն փեսեղքայրս ու քահանայն, հարսին քոյրն եւ քահանայն եւ անվա կապեն ըզխառն ի պարանոցիս փեսային»: Յիշատակւում է նաեւ փեսային սպիտակ հանդերձ հագցնելու սովորոյթը⁴⁹, իսկ հարսին սպիտակ հագցնելու վկայութիւնը գտնում ենք Վ. Հացունու աշխատութեան մէջ. «Ջհանդերձ հարսն յայն սպիտակացուցին»⁵⁰: Ըստ երեւոյթին, սպիտակի գործածութիւնը մարդու կեանքի երեք կարեւորագոյն փուլերում (կնունդ-մկրտութիւն, ամուսնութիւն, մահ), երբ առաջնային է դառնում հոգեւոր մաքրութեան, անարատութեան գաղափարը, առնչւում է հէնց այս հանգամանքն ընդգծելու անհրաժեշտութեան հետ, որով եւ պայմանաւորուած է սպիտակի՝ ծիսականօրէն մաքուր գոյնի ընկալումը: Այս ըմբռնումով կարելի է բացատրել մատաղի համար սպիտակ գոյնի կենդանուն, թռչնին տրուող նախապատուութիւնը: Սպիտակ ու կարմիր որձակն (աքաղաղ) ու ոչխարը մորթում էին, սպիտակ եւ կարմիր (լոյս ու ուրախութիւն) օրեր ապրելու ակնկալիքով: Բա-

ցարձակ անբեժ ու սպիտակ պէտք է լինէին հեթանոս հայերի՝ Արամազդին նուիրաբերուած ցուլերը, ձիերը, ջորիներն ու նոխազները եւ Անահիտին նուիրաբերուած արջառններն ու երինջները, որոնց ճակատին դրոշմուած էին զոհի նշանը⁵¹:

Այսպիսով, սպիտակը, իսկ սպիտակի հետ եւ կարմիրը պատկերացումների որոշակի մակարդակում դիտուել են իբրեւ ծիսականօրէն «մաքուր» գոյներ, ի հակադրութիւն սեւի, որը դիտուել է իբրեւ ծիսականօրէն «անմաքուր»: Գոյների հետ կապուած այս «մաքուր» եւ «անմաքուր» հասկացութիւնները շատ աւելի յստակ են սահմանազատուած հին ժողովուրդների սովորոյթներում: Այսպէս, հին խեթական տեքստերից մէկում գուշակուհին ցաւն ու հիւանդութիւնը համապատասխան գոյների միջոցով փոխադրուած է արձանիկներին: Ծաւն ու հիւանդութիւնը խորհրդանշող դեղին (կանաչ), երկնագոյն (կապոյտ, սեւ) գոյներն, իբրեւ ծիսականօրէն անմաքուր, հակադրուած են կարմրին, սպիտակին՝ իբրեւ ծիսականօրէն «մաքուր» գոյները⁵²:

Այսպիսով, փաստօրէն առանձնանում է եռագոյն համակարգ, որտեղ «կարմիրի», «սպիտակի» կողքին կարող էր հանդէս գալ «մութ» կամ «սեւ» համարուող գոյներից որեւէ մէկը՝ դեղինը, կանաչը, երկնագոյնը, որը, միեւնոյն է, ընկալուած էր իբրեւ «սեւ»: Այդ գոյները խորհրդանշել են տիեզերքի ուղղաձիգ եռամաս կառուցուածքը, սեւը՝ ստորին աշխարհ, կարմիրը՝ միջին, սպիտակը՝ վերին, որի ցայտուն դրսեւորումներից մէկը յայտնի հեքիաթային թեման է երեք խոյների (սեւ, կարմիր, սպիտակ) միջոցով թագաւորի տղայի «լոյս աշխարհ դուրս գալու» մասին⁵³: Այս կապակցութեամբ ուշագրաւ էր խեթական թագաւորի զգեստափոխման արարողութիւնը: Թագաւորը ծիսակատար

րութեան սկզբում ճերմակագգեստ էր՝ ճերմակ կօշիկներով եւ կարմրաճերմակ, ոլորուն բրդաթել գօտիով: Ընթացքում նա փոխում է կօշիկները՝ հագնելով սեւը⁵⁴, որով հաստատուած է իր իրաւունքները կամ իշխանութիւնը վերին եւ ստորին աշխարհների, այսինքն ողջ տիեզերքի վրայ⁵⁵:

«Կարմիր-սեւ-սպիտակ» եռագոյն համակարգը շատ որոշակի է արտայայտուած եւ հայ ժողովրդի հաւատալիքային ու ծիսական համակարգերում: Ըստ ժողովրդական մեկնաբանութեան, սեւ-կարմիր-սպիտակ եռեակում սպիտակը նշանակում է երկնաւոր արդարութիւն, կարմիրը կեանք ու առողջութիւն, սեւը՝ մահ: Նոյն իմաստային նշանակութիւնն ունեն այս գոյների երազային մեկնաբանութիւնները, սպիտակ առարկայ տեսնելը արդարութիւն է, սեւը՝ սգի նշան, կարմիրը՝ կեանք: Այս եռագոյն համակարգը լայնօրէն օգտագործուած է բուժական հմայութեան մէջ եւ վերջինիս առնչուող աղօթքի տեքստերում: Այսպէս, հիւանդութեան պատճառն իմանալու համար գուշակուհին վերցնում է սեւ-կարմիր-սպիտակ գոյների թելեր, իւրաքանչիւրին մի սրբի անուն տալով ընկղմում ջրով լի թասի մէջ: Սպասում են մինչեւ թելերից մէկը դուրս գա, դրան համապատասխան էլ որոշում են, թէ որ սրբից է հիւանդութիւնը: Ժողովրդի պատկերմամբ, հիւանդութեան պատճառը «գրողներն» են: Նրանք երեք տեսակի ճիպոտ ունեն՝ կանաչ, կարմիր, սեւ: Կանաչ ճիպոտով զարկում են նրանց, ովքեր կարճ ժամանակով են հիւանդանալու, կարմրով՝ երկար ժամանակով անկողին ընկնողներին, սեւով՝ մահուան դատապարտուածներին⁵⁶:

Ջանգեղուրում Աւագ ուրբաթ օրն ամէն մայր իր մինչեւ տաս տարեկան ե-

րեխայի մէջքի կարմիր-սպիտակ-կապոյտ կտորից խաչ է կարում, որ կոչուած է «ուրբաթարուր»⁵⁷, այն պէտք է երեխային պահպանէր չարից ու կայծակից:

Ինչպէս տեսանք, եռագոյն համակարգում օգտագործուած էին գունային տարբեր համադրութիւններ, կարմիր-սպիտակ-սեւ, կարմիր-կանաչ-սպիտակ, կարմիր-սպիտակ-կապոյտ, կարմիր-կանաչ-սեւ, կարմիր-գորշ-սեւ, որոնցից ամենակայունը կարմիրն է, ապա սպիտակը, իսկ սեւը փոխարինուած է մերթ կապոյտով, մերթ կանաչով: Սեւն անկայուն է եւ կարող է փոխարինուել ուրիշ գոյներով, սակայն եռագոյն համակարգում իմաստային նշանակութիւնը մնում է նոյնը: Կարմիր-սպիտակ-սեւ եռագոյն համադրութիւնը բնորոշ է եւ հին հռոմէական դիցարանին, որտեղ երեք կարգի աստուածութիւններին համապատասխանում են երեք գոյնի կենդանիները, ինչն իր հերթին համապատասխանում է տիեզերքի եռամասնութեանը⁵⁸, ինչպէս խեթական տեքստերում: Հին Հնդկաստանում եւս մեծ կարեւորութիւն էր տրուած կարմիր-սպիտակ-սեւ եռագոյն համակարգին: Կարմիրը նախնական կրակի գոյնն էր, սպիտակը՝ նախնական ջրերի, իսկ սեւը՝ նախասկզբնական հողի (երկրի), միակ ճշմարիտն այս եռամասնութիւնն է⁵⁹:

Այս երեք գոյները նաեւ գոյի տարբեր դրսեւորումներն են խորհրդանշում, այն է կարմիրը՝ կենդանի վիճակը՝ մարմինը, սեւը՝ մեռած վիճակը, իսկ սպիտակը՝ հոգին, որն անմահ է: Ուշադրութիւն է գրաւուած այն պարագան, որ հին հնդկական պատկերացումներում սպիտակը միւս գոյներից առանձնանում է հոգեւոր բնոյթով ու մաքրութեամբ: Այս երեւոյթը դիտուած է եւ սեմական ժողովուրդների սովորոյթներում: Օրինակ եթէ արաբ տղամարդը խայտառակել է իրեն

կամ խախտել է աւանդոյթը, ապա նրա դէմքը «սեւանում» է եւ միայն պատիւը վերականգնելուց ու խայտառակութիւնից մաքրուելուց յետոյ, այն կարող է «սպիտակել»⁶⁰: Հետաքրքրական է, որ այս երեւոյթի արձագանքները պահպանուել եւ իւրովի դրսեւորուած են գտել հայոց մէջ: Համեմատենք «սեւերես» (անամօթ), «երեսը սեւ անել», վերջինիս հետ կապուած նաեւ պարսաւելու, խայտառակելու նպատակով մեղաւորի (մինչեւ առագաստը մտնելը կուսութիւնը խախտածի) երեսին մուր քսելու սովորոյթը եւ հակառակը՝ «պարզերես», «երեսը պարզ անել», «բացերես» արտայայտութիւնները:

Ջարգացման ցածր մակարդակում գտնուող ժողովուրդների աւանդոյթներում սպիտակը խորհրդանշում է բացայայտը, մաքուրը, ճշմարիտը, սեւը՝ քողարկուած գաղտնիքը, արգելուածը, որով եւ զուգորդուած է սեռական սիմվոլիկային⁶¹: Կարմիրն այս համակարգում երկակի դիրք է գրաւում. լինելով արեան գոյնը՝ այն կարող է ընկալուել ինչպէս «մաքուր», այնպէս էլ «անմաքուր»: «Անմաքուր» է համարուած այն դէպքում, երբ նկատի է առնուած սպանութեան եւ ծննդաբերութեան (դաշտանի) արիւնը: Այս իմաստով կարմիրը համարժէք է դառնում սեւին: Մաքուր է համարուած զոհի, մարտիրոսի արիւնը: Ինչպէս տեսանք, համակարգը հեշտութեամբ կարող է տրոհուել զոյգ համակցութիւնների, այն է սեւ-սպիտակ, սեւ-կարմիր, կարմիր ու սպիտակ: Այս հակադրութիւնների նախասկզբնական իմաստը, արտայայտելով լաւի ու վատի, չարի ու բարու, մթի ու լոյսի, կեանքի ու մահուան վերաբերեալ համամարդկային պատկերացումներն⁶², ի վերջոյ, յանգել է բնութեան երկու հիմնական ուժերի՝ արական ու իգական սկզբի հակադրամիասնութեանը, որն ար-

տացուցում է դեռևս քարե դարի ժամանակաշրջանի քարանձավային պատկերներում, որտեղ ձախ կողմում պատկերված կենդանիների գլուխները ներկված են կարմիր, աջ կողմում եղածներինը սև, նկատի առնելով ձախի ու աջի փոխարաբերությունը, «որպես ձախը՝ իզական, իսկ աջը՝ արական սկզբի, կարմիր գոյնը պէտք է խորհրդանշեր կինը՝ բնութեան իզական ուժերը, իսկ սևը՝ տղամարդը, բնութեան արական ուժերը»⁶³:

Խորհրդանշային տրամաբանութեան մասնագետ Ա. Քեմների կարծիքով, երկակի համադրութեամբ մտածողութիւնն առհասարակ յատուկ է մարդուն: Մանկական մտածողութեան հոգեբանութեան ուսումնասիրութեան հիմամբ, որը շատ մօտ է մարդկային մտածողութեան նախնական մակարդակին, նա ենթադրում է, որ մարդն ի սկզբանէ աշխարհն ընկալել է որպէս վատ ու լաւի, չարի ու բարու հակադրամիասնութիւն⁶⁴:

Ինչպէս արդէն պարզ է դառնում համեմատական նիւթի վերլուծութիւնից, կարմիր-սև-սպիտակ եռագոյն համակարգը, որը գունային բոլոր համակցումներից ամենակայունն է, բնորոշ է տարբեր ժամանակաշրջաններին եւ զարգացման տարբեր մակարդակ ունեցող ժողովուրդներին՝ ինչպէս ամբողջական, այնպէս էլ համակարգի իւրաքանչիւր գոյնի կամ գունային զոյգերի արտայայտած խորհրդիմաստի գրեթէ նոյնանման մեկնութեամբ ու ընկալմամբ: Գունային այս եռանակը, անցնելով դարերի միջով, հասել է միջեւ XIX դ. վերջը, XX դ. սկիզբը, կայուն տեղ զբաղեցնելով բանուածքի զարդանախշի գունաշարում, իսկ իմաստային նշանակութեամբ՝ կրօնա-հաւատալիքային պատկերացումներում՝ որպէս արգասիք ժողովրդի գունամտածողութեան եւ այդ մտածողութեան իւրովի դրսեւորում:

ԾԱՆՕԹԱԳՐՈՒԹԻՒՆՆԵՐ

- 1 E. H. Студенецкая. Одежда народов Северного Кавказа XVIII-XX вв., М., 1989, с. 215
- 2 Տե՛ս Ս. Գ. Կոտաճյան. Цвет в раннесредневековой живописи Армении, Ереван, 1978, էջ 18
- 3 Գրիգոր Տաթևացի, Գիրք հարցմանց, Կ. Պոլիս, 1829, էջ 212, 297:
- 4 Ս. Գ. Լիսիցեան, Չանգեզուրի հայերը, Երևան, 1969, էջ 67:
- 5 Ե. Լալայեան, Բորչալուի գաւառ,- Ազգագրական հանդէս (այսուհետ ԱՀ), գ. 10, Թիֆլիս, 1903, էջ 200:
- 6 В. Бардавелидзе. Древнейшие религиозные верования и обрядово-графическое искусство грузинских племен. Тбилиси, 1957, с. 86
- 7 Այդ են վկայում նաև կարմիր գոյնի ժողովրդական անուանումները (ալ, ալ-մալ, խաս, նաև լաւ, դրմզի (արաբ.), ալաշ-քեալաշ, ծիրանի): Գունաբանագների վերաբերեալ միջոց մեզ տրամադրել է բանագէտ Հրաչեայ Վարդումեանը, որի համար շնորհակալութիւն ենք յայտնում:
- 8 Կարմիր թելն օգտագործում է եւ շերամապահութեան մէջ. Տե՛ս Ա. Петросян. Шелководство в Армении (историко-этнографическое исследование). Диссертация по соисканию ученой степени кандидата исторических наук. Ереван, 1978, էջ 143:
- 9 Ս. Գ. Լիսիցեան, Լեռնային Ղարաբաղի հայերը,- Հայ ազգագրութիւն եւ բանահիւստութիւն (այսուհետ ՀԱԲ), Երևան, 1987, էջ 67:
- 10 Ներսէս Ծնորհալի, Ընդհանրական թուղթ, Էջմիածին, 1869, էջ 262:
- 11 Ե. Լալայեան, Վասպուրական, ԱՀ, գ. 26, Թիֆլիս, 1916, էջ 151:
- 12 Վ. Բոյոյեան, Հայկական ժողովրդական խաղեր, հտ. Է, Երևան, 1963, էջ 259:
- 13 Սլաւոնական լեզուներում նոյնպէս կարմիրն օգտագործում է նաև լաւ, գեղեցիկ նշանակութեամբ, "Красно-солнце", "Красно-девица".
- 14 Հր. Աճառեան, Հայերէն գաւառական բառարան, Մոսկուա-Ալեքսանդրապոլ, 1913, էջ 317:
- 15 Վ. Հացունի, Պատմութիւն հին հայ տարազին, Վեներտիկ, Ս. Ղազար, 1923, էջ 304:
- 16 Ե. Լալայեան, Վասպուրական, ԱՀ, գ. 26, Թ. I, 1916, էջ 152:
- 17 Գ. Նժդեհեան, Ալաշկերտ, ԱՀ, գ. 7-8, Թ. I, 1901, էջ 448:
- 18 Կարմիր-կանաչ գունային գոյգին՝ աղջիկ-տղայ տարբերակմամբ, անդրադարձել է Զ. Խառատեանը, նախքան դիտելով, որպէս գոյգի ծիսական ուղի: Տե՛ս Զ. Խառատեան, Ամուսնական գոյգի ուղին հայոց հարսանիքում,- Լրաբեր հասարակական գիտութիւնների (այսուհետ ԼՀԳ),

- 1989, թիւ 2, էջ 21-21:
- 19 Վ. Պետոյեան, Սասնայ ազգագրութիւնը, Երևան, 1965, էջ 272:
- 20 Ե. Լալայեան, Վասպուրական, Անդ, էջ 52:
- 21 Ե. Լալայեան, Չախալքի բուրմունք,- Երկեր, հտ. 1, Երևան, 1983, էջ 441:
- 22 Վ. Պետոյեան, Անդ տեղում:
- 23 Ս. Հայկունի, Հարսանեաց երգեր, ԷԱԺ, գ. 2, Մոսկուա-Վաղարշապատ, 1906, էջ 31:
- 24 Аль Бируни. Абу-рейхан-Мухаммед ибн Ахмед. Индия, Избранные произведения, Ташкент, 1963, с. 85.
- 25 Կարմիր ու սպիտակ ոլորում նախքան օգտագործուել է հմայութեան մէջ: Տե՛ս А. Одабашян. Народные верования армян (по материалам рукописных талисманов XV-XIX вв.), - Кавказский этнографический сборник, т. 6, М., 1976, с. 118-126.
- 26 Հր. Աճառեան, Հայերէնի արմատական բառարան, հտ. 1, Երևան, 1971, էջ 649, նաև՝ Ժամանակակից հայոց լեզուի բացատրական բառարան, հտ. 1, Երևան, 1969, էջ 67:
- 27 Ս. Գ. Լիսիցեան, Լեռնային Ղարաբաղի հայերը, էջ 67:
- 28 Ե. Լալայեան, Նախիջեանի գաւառ, մասն Ա, Գողթն, ԱՀ, գ. 11, Թ. I, 1904, էջ 188:
- 29 Մ. Աբեղեան, Երկերի ժողովածու, հտ. Է, Երևան, 1975, էջ 45:
- 30 Այստեղ էլ տեսնում ենք երկակի իմաստ, մի դեպքում կապույտը բացասական է, միս դեպքում՝ պահպանակ «չարի»՝ բացասականի դէմ: Այսպիսի անցումը բնորոշ է ժողովրդական մտածողութեանն առհասարակ:
- 31 Ե. Լալայեան, Վասպուրական, էջ 153:
- 32 Ս. Մխիթարեանց, Փշրանք Ծիրակի ամբարներից (Հաւատք, ընտանեկան սովորոյթ),- ԷԱԺ, գ. Ա, Մոսկուա-Ալեքսանդրապոլ, 1901, էջ 191:
- 33 Կոնստանդին Երզնկացի, Վասն ոչ աննելոյ սուգ ի վերայ մեռելոց, Ձեռագիր գրչաթուղթ, թիւ 1447 (Մատենադարան):
- 34 Նոր բառգիրք հայկազեան լեզուի (այսու ՆՀԲ), հտ. 1, Երևան, 1979, էջ 1055 էջ 153
- 35 Ե. Լալայեան, Չախալքի բուրմունք, էջ 153:
- 36 Հր. Աճառեան, Հայերէնի արմատական բառարան, հտ. 4, էջ 186: Յ. Տարաճեա, Армяно-славянские лексико-семантические памятники, Ер., 1986, с. 93.
- 37 Հր. Աճառեան, Հայերէնի արմատական բառարան, հտ. 4, էջ 186: Յ. Տարաճեա, Армяно-славянские лексико-семантические памятники, Ер., 1986, с. 93.
- 38 Ս. Հայկունի, Աղօթքներ հարբորի բարրաբով,

- ԷԱԺ, գ. 2, էջ 305:
- 39 Ե. Լալայեան, Վասպուրական, էջ 166:
- 40 Գ. Յակոբեան, Ներքին Բասէնի ազգագրութիւնը եւ բանահիւստութիւնը, Երևան, 1974, էջ 204:
- 41 Мифы народов мира, т. II, с. 309-310.
- 42 Հր. Աճառեան, Հայերէնի արմատական բառարան, հտ. 4, Երևան, 1979, էջ 264-265:
- 43 Հ. Վ. Հացունի, Պատմութիւն հին հայ տարազին, էջ 295:
- 44 Հ. Ղ. Ալիշան, Հին հաւատք կամ հեթանոսական կրօնը հայոց, Վեներտիկ, Ս. Ղազար, 1895, էջ 413, 414:
- 45 Ն. Տաղաւարեան, Հայոց հին կրօնները, Կ. Պոլիս, 1909, էջ 152:
- 46 Հ. Վ. Հացունի, Աշ. աշխ., էջ 174:
- 47 Հարկ է նշել, որ Կիլիկեան վերջին թագաւորը վախճանուեց Փրանսիայում, որտեղ, ինչպէս եւրոպական թագաւորական տներում առհասարակ, սպիտակն ընդունուած էր որպէս սոյո գոյն:
- 48 Գրիգոր Տաթևացի, անդ, էջ 303:
- 49 Վ. Բոյոյեան, Հարսանեկան ծեսերի ու սովորութիւնների նկարագիր՝ գրանցուած 14-րդ դ.-Բանքեր Մատենադարանի (այսու՝ ԲՄ), 1956, 19, էջ 55:
- 50 Հ. Վ. Հացունի, Հայտնի պատմութեան արջն, Վեներտիկ, Ս. Ղազար, 1936, էջ 72:
- 51 Ն. Տաղաւարեան, Աշ. աշխ., էջ 37, 39:
- 52 Б. Т. Ардзинба. Ритуалы и мифы древней Анатолии, М., 1982, с. 210-213.
- 53 С. Гулакян. Указатель мотивов армянских сказок, Ереван, 1983, А 203, А 247.
- 54 Б. Т. Ардзинба. с. 161.
- 55 Չինացիների, հին եգիպտացիների ասանդոյթներում նոյնպէս գունային վերոյիջեալ համակարգը տիեզերքի կառուցուածքի խորհրդանշան է:
- 56 Մ. Աբեղեան, Երկեր, հտ. Է, էջ 99:
- 57 Ե. Լալայեան, Չանգեզուր, ԱՀ, գ. 4, Թիֆլիս, 1898, էջ 256:
- 58 В. В. Иванов, Заметки о типологическом и сравнительно-историческом исследовании Римской, индоевропейской мифологии, Труды по знаковым системам, Тарту, 1969, в. 4, с. 24.
- 59 В. Тернер, Проблема цветной классификации в примитивных культурах, Семиотика и искусствовеетрия, М., 1972, с. 71-80.
- 60 В. Тернер, Символ и ритуал, Семиотика и искусствовеетрия, М., 1983, с. 70.
- 61 Անդ, էջ 78:
- 62 Սեւ-սպիտակով արտայայտում են նաև այն-

պիսի երկակի հակադրություններ, ինչպես, օրինակ գոյգ եղբայրները (Հարապիմ Կալիֆորնիայի հնդկացիներ), որոնցից մէկը կապուած է արեւելքին, սպիտակին ու բարեգործ է, միւսը՝ մթի, սեւի, արեւմուտքի հետ եւ չարագործ է: Կամ տիրեթական առասպելներում սպիտակ ձուից դուրս եկող լոյսի թագաւորը սեւ ձուից դուրս եկող մթարքի թագաւորը: Տե՛ս Բ. Բ.

Иванов, В. Н. Топоров. *Славянские языковые моделирующие семиотические системы, Древний период*, М., 1965, с. 185.

63 В. В. Иванов, *Чет и нечет, Асимметрия мозга и знаковых систем*, М., 1978, с. 81.

64 В. В. Иванов, В. Н. Топоров. *Մշ. աշխ., էջ 98, В. Тернер, Символ и ритуал*, с. 79.

DIE ARMENISCH-APOSTOLISCHE KIRCHE IN DER SCHWEIZ

Abel Manoukian (Oghlukian)

Die Armenisch-Apostolische Kirche in der Schweiz

Die Geschichte der armenischen Kirche in der Schweiz hängt sehr eng mit jener grossartigen christlich-humanitären Hilfe zusammen, die das Schweizer Volk bereits vor 100 Jahren den leidgeprüften Armeniern in der Türkei geleistet hat. In der Schweiz wurde das Massaker von Sassun schon im Dezember 1894 bekannt, und über die blutigen Ereignisse von Konstantinopel im September-Oktober 1895 und die nachfolgenden schrecklichen Massaker in allen armenischen Provinzen wurde in den Tageszeitungen, vor allem in christlichen Blättern, berichtet.¹

Der Initiator dieser Verfolgungen und Massaker war der «rote Sultan» Abdul Hamid II., der als der «grosse Meuchelmörder» in die Geschichte eingegangen ist. Er war der begabteste, aber auch der grausamste Sultan, den die Türkei seit Jahrhunderten gehabt hatte, ein Herrscher, der skrupellos über Leichen ging, auch über die seiner Verwandten und Freunde. Er war sehr feige und misstrauisch. Zudem hatte er einen abgründigen Hass gegen alles Armenische, gewiss aus einem Mutterkomplex, aus Erbitterung darüber, dass er kein reiner Türke war, sondern von einer armenischen Haremsklavin abstammte.

Bereits im Oktober und im November 1895 erschienen die ersten kurzen Artikel über die Armenierpogrome in der Türkei in der «Gazette de Lausanne» und im «Journal de Genève». Das «Journal religieux des Eglises Indépendantes de la Suisse Romande» in Neuenburg brachte am 16. November 1895 den ersten Aufruf zu einer Sammlung für die Armenier in der Türkei unter dem Titel

«Nouveaux massacres», verfasst von Pfarrer E. Jaccard in Zürich. Im gleichen Blatt erschien am 28. Dezember 1895 unter dem Titel «Les massacres en Arménie» der erste einer ganzen Reihe von Artikeln über Armenien von Prof. Georges Godet.

Die Armenierhilfe in der Schweiz

Der eigentliche Anstoss zu einer schweizerischen Armenierhilfe kam von Neuenburg durch die Initiative eines einzelnen, des Pfarrers Edouard Rosselet. Am 4. März 1896 wurde in der Stiftskirche von Neuenburg eine Konferenz der Pfarrer der «Eglise Indépendante» gehalten. In dieser Konferenz wurde beschlossen, ein Aktionskomitee unter der Leitung von Prof. Georges Godet zu bilden. Das Protokoll jener Sitzung erwähnt: «Herr Edouard Rosselet ist tief erschüttert durch einen Artikel im "Journal des Missions Evangéliques de Paris" über die Massaker in Armenien. Er glaubt, Gott wolle sich nicht der Grossmächte bedienen, um dieser unglücklichen Bevölkerung zu Hilfe zu kommen, sondern der geistlichen Mächte, die er im Schosse der Kirche finden muss. Vereinigen wir uns mit den Amtsbrüdern der «Eglise nationale», um auf die Kirchen der ganzen Schweiz einzuwirken und eine Bewegung zugunsten der verfolgten Christen auszulösen».

Alle Konferenzteilnehmer waren sich darüber einig, für diesen Zweck einen wirksamen Weg auszuwählen: Aufklärung der öffentlichen Meinung durch Zeitungsartikel und einen Appell an das Gewissen der Schweizer. Prof. Godet wurde gebeten, eine Broschüre über die Massaker in Armenien zu verfassen. Das war die eigentliche Geburts-